

Gyapdeu Bwzhaij:

Deu Bae Muz Dauq Yienj Gij Gyaeu Saedcej

北海贝雕: 精雕细琢, 时光之美

□ Liengz Li



▲ Aendaengj gyapdeu gyoengq-roeg angq ciuz.

◀ Fukveh ciengzmienh langhhung.

▶ Gyapveh 《Habsim habhoz》dued ndaej Cungguck gunghyi mejsuz "hong mbwnguh suen dinfwngz · boi bakva" gimciengj.



▲ Gyapdeu guh okdaeuj lij aeu sjsaeq cazyawj.



▲ Baenz di baenz gep daebnem hwnjdaeuj.



▲ Bouxlaux daiq lwgsae swncienz dinfwngz.



▲ Canghdeuguh genj aeu gep gyap.

Cangdeuguh gyapdeu Bwzhaij ginggvaq 400 lai bi mboujduenh bae cimhra, swncienz, fatyengz, cauhmoq, daj roixgyap, doigyp, gyapdeu bingzmienh daengz fouzdeu, caiq daengz gyapdeu aendaengj, daiq miz gij daegsaek vwnzva haij Bwzbuvanh Cungguck, dwg gij daiqbiuj maenhndei dinfwngz gyapdeu Cungguck, hawj gyapdeu Bwzhaij ndaej haeuj aen cangbauj hung yisuz cienzdoengj minzcuz Cunghvaz. Gyapdeu dwg Bwzhaij yiengh doxgaiq dangzhong cienzdoengj cei q miz daegsaek, dangz dinfwngz gyapdeu Bwzhaij youq bi 2010 ndaej lied haeuj Guengsae buek daihsam feih vuzciz vwnzva yizcanj mingzloeg.

Dangz dinfwngz gyapdeu Bwz-

haij lizsij gyaenanz, youq Ciuhmingz satbyai Ciuhcingh ndujdaeuz couh guh ndaej sugsed hwnghoengh, gij gyasei caeuq gunghyibinj Mingz Cingh youq ndawbiengz Hozbuj daih cienz daih haenx couh rengzrdw dwk cingqmingz le gijneix. Gyapdeu Bwzhaij hwngfat daengz ciuhgyawj, gyoengq canghdeuguh youq swncienz ndawde daihdamj cauhmoq, youq gwnz goekdae j dinfwngz cienzdoengj, supsou gij ndei nyawhdeu, faexdeu caeuq guekveh daengj lai cungj lai yiengh de, mumaeq okmoq, seizneix gaenq miz bouxvunz, dujva duzroeg, byaraemx daengj 6 aen cungjloih 1600 lai aen binjcungj, bauhamz le baenzaen fouzdeu hungloet, veh gyapdeu, gaiqbaij gyapdeu,

gaiqdawz gyapdeu, aendaengj gyapdeu, gaiqdajcang gyapdeu daengj, ndawde veh gyapdeu aeu dujva duzroeg dwg cei q ndei, lumjbaenz duzroeg, mauxdan, va nyiedgeiq, vagutlungz caeuq vafuzyungz daengj, hawj gyapdeu Bwzhaij ndaej hwngfat haeuj mboengq moq.

Dangz dinfwngz gyapdeu Bwzhaij dwg dangz dinfwngz cienzdoengj aeu gyaphau, gyapndaem, saeroegyengj, saeyaprongh daengj aensae aengyap dijbauj noix miz Bwzbuvanh guh yienzliuh daeuz, doenggvaq ndasuenq vehdoz, senj genj aengyap, faenmbek baenz gep, muz bingz muz lwenq, daebnem gyoepcang daengj baenz cib monz hong guh baenz gak yiengh gunghyiz mejsuz cingbinj haenx, canghdeuguh dawz saenznyinh guekveh, lingzgiuj seujsiuq, gyaunde i nyawhdeu, ronghlwenq naedcaw lumj mbwnguh sengcingz nei yungzhab guh aen ndeu, baenz gep baenz gaiq dwk bae guhbaenz.

Vwnzmingz ciuhgeq caeuq dinfwngz ciuhneix doxgyau doxyungz, saeklweng sengcingz caeuq baez deu baez muz doxcaez giethab, hawj gyapdeu Bwzhaij daj aen dem aen gyapbyouq bingzciengz, ndaej bienbaenz gaiq dem gaiq gunghyibinj hawj vunz yawj dwk byaengqda doeksaet haenx, mboujlwnh dwg byaraemx bouxvunz roxnaeuz dujva duzroeg duznon duzbya, cungj yienghde swhyienz caenlumj, hamzeiq lai yiengh, yawj bae aende gyaqciq, yaprongh yabyab, gyaunde i dangqmaz, ngamjhab dajcang caeuq yawjngonz, vunz lai cungj gig haenggyaez... Bi bae bi dauq, gyapdeu Bwzhaij ginggvaq geiqcib daih vunz sim doxdoeng fwngz doxcienz, youh ndaej youq saedcej lizsij gwnzde langhfat ok ronghlwenq.



▲ Gyaunde i dwg baenzneix baez di baez di muz okdaeuj.



▲ Guh hong muz lwenq siujsim sisi.



▲ Gyapveh 《Fwenromh Namzhaij》aen sigij gonq roekcib nienzdaih deuguh haenx.



▲ Ndasuenq veh ndei mbawdoz.